

Ekskluzive

Ekskluzive | Ky është 37-vjeçari i arrestuar pas telasheve familjare në Pejë – Policia gjen dy armë, 108 fishekë dhe gjashtë qese me kokainë



Sinjali.com

29 Gusht 2026 11:40



Një intervenim i Policisë pas raportimit për probleme mes familjarëve në Pejë ka përfunduar me arrestimin e një 37-vjeçari dhe sekuestrimin e armëve, municionit dhe substancës së dyshuar narkotike, raporton ekskluzivisht Sinjali.

Burimet e Sinjalit bëjnë me dije se rasti ka ndodhur mbrëmë, më 28 gusht, rreth orës 23:20, në rrugën “Sali Gjuka” në Pejë.

I dyshuari është **Driton Buquku**, ndërsa rasti fillimisht ishte raportuar në Polici pasi një qytetare kishte kërkuar ndihmë për shkak të problemeve me një person tjetër.

Me të mbërritur në lokacion, policët kanë kontaktuar fillimisht njërin prej familjarëve, i cili ka deklaruar se i dyshuari dyshohej se kishte konsumuar substanca narkotike dhe ndodhej në gjendje agresive.

Patrulla më pas ka hasur në 37-vjeçarin, por për shkak të gjendjes së tij shëndetësore ai është dërguar për trajtim në Spitalin Rajonal të Pejës.

Por gjatë intervenimit, Policia ka hasur në gjësende që e kanë zgjeruar krejtësisht rastin.

Në lokacion janë gjetur dy armë zjarri – një Zastava dhe një revolver, si dhe sasi e konsiderueshme municioni.

Policia ka sekuestruar 58 fishekë të kalibrit 9 mm dhe 50 fishekë të kalibrit .38 Special, gjithsej 108 fishekë.

Në të njëjtin lokacion janë gjetur edhe gjashtë qese me një substancë të dyshuar narkotike, e cila dyshohet të jetë kokainë.

Në vendngjarje kanë dalë Njësia e Hetimeve dhe Krim-Teknika, të cilat kanë kryer procedurat përkatëse, ndërsa është njoftuar edhe Prokurori kujdestar.

Me urdhër të Prokurorit janë iniciuar tri vepra penale: “Mbajtja në pronësi, kontroll ose posedim i paautorizuar i armëve”, “Posedimi i paautorizuar i substancave narkotike” dhe “Sulmi”.

Buquku është ndaluar për 48 orë, por për shkak të gjendjes së tij aktualisht po vazhdon trajtimin mjekësor në repartin e Psikiatrisë.

Hetimet lidhur me rrethanat e plota të rastit po vazhdojnë.

Shënim: Personat e apostrofuat në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera